

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

EKONOMIA GARAPENAREN ETA JASANGARRITASUNAREN SAILA

295/2026 Erabakia, maiatzaren 19koa, Foru Gobernu Kontseiluarena. Onespena ematea Arabako enpresa txiki eta ertainen nazioartekotzea sustatzeko laguntzen 2026ko deialdiari (ARABA InterKOOP)

Gure enpresak nazioartekotzea ez da gertaera berria haietako askorentzat, baina jarduera komenigarria izatetik jarduera beharrezkoa izatera igaro da geroz eta enpresa gehiagorentzat, ekonomia globalak sorturiko aldaketei erantzuteko.

Arabako enpresei nazioartekotzen laguntzeari lotuta, Arabako Foru Aldundiak Arabako enpresei nazioarteko bihurtzen laguntzeko eta aholku emateko jarduerak finantzatzen ditu, Arabako Merkataritza eta Industria Ganberaren bidez.

Gauzak horrela, Arabako Foru Aldundiak, 2015ean, laguntza lerro hau abiarazi zuen, konpromisoa hartuz hemen bertatik Arabako enpresei laguntzeko XXI. mendeak eta gizarte geroz eta globalizatuago batek dakartzan desafio, erronka eta aukerei aurre egiten.

Laguntza lerro horren xedea da enpresen lehiakortasuna sustatzea, tokiko enpresak nazioartekotzearen eta lankidetzaren alde jardunez, kanpoko merkatuetara jo dezaten eta beste herrialde batzuetako enpresekin harreman ekonomikoak izan ditzaten; bestalde, agerian jartzen du nola komeni den enpresen arteko lankidetzarako estrategiak eratzea, zeren uste baitu emaitza hobea eman dezaketela bakarkako ekimenek baino. Era berean, ETE bakar batek bere gain hartutako nazioartekotze-proiektu indibidualak ere babesten dira.

Horiek horrela, lortu nahi dena da, hein batean, baliabide gutxiarekin bada ere, eta beste erakunde publiko batzuek arlo horretan daramatzaten gainerako jardueren osagarri, erantzutea enpresek nazioartekotzeko prozesuetan topatzen dituzten arazo nagusietako batzuei, eta are eta gehiago ETE-en kasuan, zeren, oro har, giza baliabide eta baliabide material gutxi edukitzen baitituzte, eta ezagupen gutxi nazioarteko merkatuetara gerturatzeko orduan arrakasta ekartzen duten baldintza eta eskakizunei buruz, edo beharrezkoak diren finantza baliabideak eskuratzeko zailtasuna.

Alde horretatik, egokitzen jotzen da enpresen arteko lankidetzarako tresnak erabiltzea, hala nola, trakzio erakundeak, zeinetan irabazteko xederik gabeko erakundeak eta nazioartekotutako bertako enpresak elkartzen baitira, ETE-ei nazioarteko bihurtzen laguntzeko helburuan, hain zuzen ere, ETEak, baliabide nahikorik izan ez eta lankidetzaren proiektuetan elkartzen baitira. Izan ere, figura horretan enpresa txiki zein handiak aritzen dira elkarlanean, eta sinergiak sortzen dira eta onura jasotzen dute alderdi guztiek. Gainera, ETE-en nazioartekotze prozesuetan izan daitezkeen era guztietako arriskuak murrizten dira. Enpresen arteko lankidetzaren erakusgarri argia da.

Programak diruz laguntzen du Arabako enpresak nazioartekotzera bideratutako diruz lagungarri diren egintzen sorta zabala, eta hainbat gastu estaltzen ditu, hala nola kanpo merkatuak hobeto ezagutzeko profesionalen gastuak eta proiektuak arrakasta izan dezan garrantzitsu izan daitezkeen hainbat eta hainbat alderdiren gaineko kartarako aholkularitzarenak, eta era berean, erakundeetako bertako langileen gastuak estaltzen ditu.

Horiek horrela, erabaki honen bidez aginduzko deialdia egiten da gure enpresen nazioartekotzea sustatzeko laguntzak emateko 2026an, batez ere eta bereziki enpresen arteko lankidetzaren proiektuetan, betiere Foru Gobernu Kontseiluaren abenduaren 10eko 54/2019 Foru Dekretuaren

bitartez onetsitako oinarri arautzaileen esparruan, hartara ahalik eta zabalkunderik handiena ematearren eta behar bezala betetzearren publikotasun, lehia, objektibotasun eta berdintasun eta diskriminaziorik ezaren printzipioak.

Horregatik, Ekonomia Garapenaren eta Jasangarritasunaren Saileko foru diputatuaren proposamenez, eta Foru Gobernu Kontseiluak gaur egindako bilkuran gaia aztertu ondoren, honako hau

ERABAKITZEN DUT

Lehenengoa. Onespena ematea Arabako enpresa txiki eta ertainen nazioartekotzea sustatzeko (ARABA InterKOOP) 2026rako laguntzen deialdi publikoari, zeina erabaki honen eranskin gisa baitoa.

Bigarrena. Honako hauek arautuko dute deialdi hau: norgehiagoka bidez ematen diren dirulaguntzak arautzen dituzten oinarriek, zeinak Foru Gobernu Kontseiluaren abenduaren 10eko 54/2019 Foru Dekretuak onetsi baititu, eta erabaki honen eranskinean ezarritakoak.

Hirugarrena. Erabaki honek arautzen dituen dirulaguntzak Arabako Foru Aldundiaren 2026ko aurrekontuko gastuen aurrekontu partida hauen kontura ordainduko dira:

– 15101. G/433152/47900157 partida, 2026 ekitaldirako 268.777,33 euroz hornitua eta eta 268.777,33 euroz 2027ko konpromiso-krediturako (Enpresak).

– 15101. G/433152/48100195 partida, 2026 ekitaldirako 120.000,00 euroz hornitua eta 120.000,00 euroz 2027ko konpromiso-krediturako (Irabazteko xederik gabeko erakundeak).

Foru Gobernu Kontseiluaren abenduaren 10eko 54/2019 Foru Dekretuaren bidez onetsitako oinarri arautzaileen 7.2. oinarria betez, saileko diputatu titularrari ahalmena ematen zaio aurrekontuko partida bakoitzari esleitutako funtsak birbanatzeko, balorazio batzordeak hala proposatuta. Horretarako, ebazpena emango du, betiere deialdiaren aurrekontu osoa errespetatuz.

Deialdiaren funtzionamendu egokia bermatzeko, gehieneko zenbateko osoaren ehuneko 30erainoko kopuru gehigarria ezarri da, Arabako Lurralde Historikoaren Dirulaguntzen urriaren 19ko 11/2016 Foru Arauko 21.2. artikuluan ezarritakoaren arabera.

Laugarrena. Ebazpen honen bitartez administrazio bidea bukatuko da eta Administrazio Publikoen Administrazio Prozedura Erkidearen urriaren 1eko 39/2015 Legearen 123. artikularekin bat eginez aukerako berraztertze errekurtsoa jarri ahal izango da Foru Gobernu Kontseiluan ebazpena argitaratu eta hurrengo egunetik aurrera zenbatzen hasita hilabeteko epean, edo zuzenean aurkaratu ahal izango da administrazioarekiko auzien jurisdikzioan argitaratu eta hurrengo egunetik aurrera zenbatzen hasita bi hilabeteko epean, eskumenak dituen jurisdikzioan.

Bosgarrena. Deialdi hau ALHAOn argitaratuko da, eta argitaratu eta hurrengo egunetik aurrera izango ditu ondorioak.

Vitoria-Gasteiz, 2026ko maiatzaren 19a

Diputatu nagusia

RAMIRO GONZÁLEZ VICENTE

Ekonomia Garapenaren eta Jasangarritasunaren Saileko foru diputatua

SARAY ZÁRATE FERNÁNDEZ DE LANDA

Ekonomia Garapenaren eta Berrikuntzaren zuzendaria

ANDER LARRINAGA SAIZ

ERANSKINA**2026ko ekitaldirako Arabako enpresa txiki eta ertainen nazioartekotzea
sustatzeko laguntzen deialdia (Araba InterKOOP-26)****1. artikulua. Xedea**

Deialdi honen xedea da Arabako enpresa txiki eta ertainak nazioartekotzen laguntzea, banakako proiektuen bidez, bai eta Arabako enpresen arteko lankidetzaproiektuen bidez ere, elkarrekin kanpora atera daitezen, norgehiagoka-erregimeneko dirulaguntzak emanez.

2. artikulua. Aurrekontu partida eta gehieneko zenbateko osoa

2.1. Erabaki honek arautzen dituen dirulaguntzak Arabako Foru Aldundiaren 2026ko aurrekontuko gastuen aurrekontu partida hauen kontura ordainduko dira:

– 15101. G/433152/47900157 partida, 2026 ekitaldirako 268.777,33 euroz hornitua eta eta 268.777,33 euroz 2027ko konpromiso-krediturako (Enpresak).

– 15101. G/433152/48100195 partida, 2026 ekitaldirako 120.000,00 euroz hornitua eta 120.000,00 euroz 2027ko konpromiso-krediturako (Irabazteko xederik gabeko erakundeak).

2.2. Foru Gobernu Kontseiluaren abenduaren 10eko 54/2019 Foru Dekretuaren bidez onetsitako oinarri arautzaileen 7.2. oinarria betez, saileko diputatu titularrari ahalmena ematen zaio aurrekontuko partida bakoitzari esleitutako funtsak birbanatzeko, balorazio batzordeak hala proposatuta. Horretarako, ebazpena emango du, betiere deialdiaren aurrekontu osoa errespetatuz.

2.3. Deialdiaren funtzionamendu egokia bermatzeko, gehieneko zenbateko osoaren ehuneko 30erainoko kopuru gehigarria ezarri da, Arabako Lurralde Historikoaren Dirulaguntzen urriaren 19ko 11/2016 Foru Arauko 21.2. artikuluan ezarritakoaren arabera.

3. artikulua. Erakunde onuradunak

3.1. Honako hauek eskura ditzakete erabaki honetan jasotzen diren onurak:

a) Sozietate egoitza eta zerga egoitza Arabako Lurralde Historikoan duten enpresa txiki eta ertainek (ETE), beren osaera juridikoa edozein dela ere, ekoizpen edo zerbitzu zentzoren bat Arabako Lurralde Historikoaren barruan daukatenez eta eratu zirenetik eskaera aurkeztzen duten egunera arte gutxienez urtebeteko antzintasuna dutenek.

b) Trakzio erakundeek, Arabako ETE-ei nazioartekotze prozesuan laguntzeko proiektuen buru direnek. Trakzio erakundeek ere Araban izan behar dituzte sozietatearen egoitza eta zerga egoitza. Hala ere, betebeharrorretatik kanpo geratuko dira Zientzia, Teknologia eta Berrikuntzaren Euskal Sareko eragileak; horientzat nahikoa izango da ekoizpen edo zerbitzu zentro bat Araban izatea.

c) Irabazteko xederik gabeko erakundeek, honako baldintza hauek betetzen badituzte: Arabako ekoizpen ehunaren erakusgarri badira; egiaztatze moduko esperientzia badute enpresen nazioarteko sustapenean; alor horretan gutxienez hiru urteko ibilbidea badute; sozietatearen egoitza eta zerga egoitza Araban badituzte; eta aurreko puntuan aipatutako onuradunak ez badira.

3.2. Deialdi honen ondorioetarako, enpresa bat ETE izango da 250 soldatapeko baino gutxiago badauka eta haren urteko negozio bolumena 50 milioi eurotik gorakoa ez bada edo urteko balantzea 43 milioi eurotik gorakoa ez bada.

3.3. Trakzio erakundetzat joko dira Arabako ETE-ei haien nazioartekotze prozesuan laguntzeko herrialde edo zona ekonomiko jakin batean lankidetzaproiektuak zuzentzen dituzten erakunde hauek: enpresa handiak, kanpo sare sendoa duten enpresa nazioartekotuak, Arabako Merkataritza eta Industria Ganbera eta Zientzia eta Teknologia eta Berrikuntzaren Euskal Sareko eragileak, baldin nazioartekotzera bideratutako ekintzak badituzte.

3.4. Proiektuan parte hartzen duten enpresen artean lotura izanez gero, horietako bat bakarrik onartuko da erakunde onuradun gisa, uztailearen 21eko 887/2006 Errege Dekretuaren 68. artikuluan eta Merkataritza Kodearen 42. artikuluan ezarritakoaren arabera.

3.5. Ezin dira onuradun izan sozietate publikoak, ez eta erakunde administrazioarenak diren berezko nortasun juridikodun erakundeak ere.

3.6. Erakunde onuradunek egunean egon beharko dute zerga betebeharretan eta Gizarte Segurantzarekikoetan, 58/2004 Foru Dekretuan xedatutakoaren arabera hura frogatzetik salbuetsita egon ezean, bai dirulaguntza emateko ebazpenaren, bai hura ordaintzeko unearen aurretik. Erakunde onuradunak Gizarte Segurantzako inolako erregimenetan kotizazio kontuaren koderik esleituta ez badu, enpresako bazkide guztiek Gizarte Segurantzarekin egunean egon beharko dute.

4. artikulua. Diruz lagundu daitezkeen jarduerak

4.1. Diruz lagunduko dira, zalantzarik gabe, ETEak nazioartekotzeko banakako proiektuak eta nazioartekotzeko enpresa-lankidetzarako proiektuak abian jartzen laguntzen duten jarduerak; hala nola beste herrialde batzuetako enpresekiko lankidetzak teknikoak, komertzialak, finantzarioak edo bestelakoak, bai eta Arabako enpresen arteko lankidetzak ere, kanpora batera irteteko xedez egingo dena.

Nazioartekotzerako enpresen arteko lankidetzatzat joko da Arabako gutxienez bi ETEk batera eta modu koordinatuan parte hartzea nazioartekotze proiektu berean.

Honako hauek lagundu ahal izango dira diruz:

– Arabako ETE-en arteko lankidetzak prozesuak, nazioarteko bihurtzea helburu dutenak (hasierako fasea zein merkatu berrietara sartzeko).

– Enpresen arteko lankidetzak ekintzak, kanpo merkatuetara sartzeko estrategiatzat hartuta.

– Honako hauek egitea: nazioartekotze plan estrategikoak, merkatu azterketak, bideragarritasun tekniko-ekonomikoa, marketina eta abar.

– Kanpoko aholkularitza ematea gai hauetan: legeak, zuzenbidea, zergak, finantzak eta abar.

– Produktuen prototipoak, aldaketak edo egokitzapenak garatzeko inbertsioak, nazioarteko merkatu berrietan merkaturatzeko.

– Produktua xedezko merkatuan erregistratzea: homologazioak, egiaztapenak eta nazioarteko marka.

– Softwarea eskuratzea edo proiekturako beharrezkoak diren plataforma teknologikoak garatzea.

– Nazioarteko egitura plataformetara sartzeko.

– Merkatuak aztertzea bidaiak.

– Azterketa misioak eta/edo misio komertzialak.

– Arabako enpresen aliatu edo laguntzaile izan daitezkeen eta nazioarteko bazkideen alderantzizko misioak.

– Bisitak egitea bezero izan daitezkeenei edo pertsona edo erakunde laguntzaileei.

– Produktuen nazioarteko sustapenak edo erakustaldiak.

– Nazioarteko azoketara joatea.

– Oro har, Arabako ETE-ek kanpora irekitzen lagunduko dieten ekintzak.

4.2. Nazioarteko lehiaketa edo lizitazio prozesuetara sartzeko proiektuak.

Atal honetan, diruz lagundu ahal dira soilik aurretiazko identifikazio eta partzuergoak eratzeko jarduerak, nazioarteko lehiaketa edo lizitazioetara sartzeko beharrezko direnak.

5. artikulua. Proiektuetako diruz lagundu daitezkeen gastuak

5.1. Diruz lagundu ahal izango dira 4. artikuluan aipatutako jarduerak gauzatzeko kanpoko profesionalekin edo nazioartekotzean espezializatutako zerbitzu profesionalak eskaintzen dituzten erakunde edo enprekin kontratatutako lanak, bai eta proiektua garatzeak dakartzan beste gastu batzuk ere; diruz lagundu daitezkeen gastua gehienez ere 20.000,00 euro izango da (muga hori ez zaie ezarriko irabazteko xederik gabeko erakundeei). Justifikatzeko unean, jarduketaren txostena aurkeztu beharko da, edo, hala badagokio, kontratatutako eta diruz lagundutako txostenak aurkeztu ahal izango dira.

5.2. Bidaia eta ostatu gastuak.

5.3. Nazioarteko azoketara joatea eta produktuen erakustaldiak edo sustapenak. Diruz lagundu daitezkeen gehieneko gastua: 20.000,00 euro azoka bakoitzeko, eta gehienez 30.000,00 euro proiektu bakoitzeko.

5.4. Komunikazio gastuak: proiektuan parte hartzen duen enpresa bakoitzeko gehienez ere 20.000,00 euroko gastua lagundu ahal izango da diruz, eta proiektuko, gehienez ere, 30.000,00 euro.

- Webguneak egokitzea.
- Publizitatea: publizitatea sortu eta txertatzea atzerriko komunikabideetan eta Interneten.
- Promoziorako materiala: katalogoak, liburuxkak, bideoak eta abar.
- Itzulpen zerbitzua.

5.5. Ibilgailuak eta taxiak alokatzeko gastuak.

5.6. Inbertsio gastuak: 40.000,00 eurokoa da proiektu bakoitzeko gehienez diruz lagundu daitezkeen gastua:

- Prototipoak garatzea, aldaketak egitea edo produktuak egokitzea nazioarteko merkatu berrietara zabaltzeko.
- Produktuaren erregistroa xedezko merkatuan: homologazioak, egiaztapenak eta nazioarteko marka.
- Proiekturako behar diren software erosketak edo plataforma teknologikoen garapenak.

5.7. Barneko gastuak: diruz lagundu ahal izango dira, proiektuaren eta jardueraren izaera dela-eta Ekonomia Garapenaren eta Berrikuntzaren Zerbitzuak bidezkotzat jotzen badu, proiektuan parte hartzen duten langileen soldatak, Gizarte Segurantzari egin beharreko enpresa kotizazioak barne, hain zuzen proiektuari zuzenean lotuta daudenak eta bidaiak direla eta kanpoan dauden egunei dagozkienak. Egun eta pertsonako gehienez ere 200,00 euroko kostua lagunduko da diruz proiektu bakoitzeko, eta gehienez ere 6.000,00 euro pertsonako eta 18.000,00 euro irabazteko xederik gabeko erakundeko edo enpresako.

Horrez gain, trakzio erakundeek zuzendutako proiektuetan, erakunde horietako langileen soldatak ere onartuko dira, Gizarte Segurantzari egin beharreko enpresa kotizazioak barne, onetsitako proiektua diseinatzen, koordinatzen eta abian jartzen emandako denboragatik. Barneko gastu hori, gehienez ere, onartutako kanpoko gastuaren ehuneko 20 izango da.

Nazioarteko lehiaketa edo lizitazio prozesuetara sartzeko lanei dagokienez, diruz lagundu ahal izango dira partzuergoak identifikatu eta eratzeko lanak kudeatuko dituzten langileen gastuak, urtean gehienez ere 5.000,00 euro pertsonako eta 10.000,00 euro proiektuko.

5.8. Eskatzaile bakoitzak bi proiektu desberdin aurkeztu ahalko ditu gehienez ere. Muga hori ez zaie aplikatuko irabazteko xederik gabeko erakundeei.

5.9. Oro har, ez dira diruz lagunduko:

- Erakunde kontratatzailearen eta kontratatuaren artean loturak daudenean izandako gastuak.
- Proiektuan parte hartzen duten enpresen artean izandako gastuak.
- Aktibo finkoetako inbertsioak, 5.6. atalean aipatutakoak izan ezik.
- Erakunde onuradunetako langileen otordu, telefono, kilometro sari, hoteleko aparteko eta abarren gastuak.
- Material suntsikor inbentariaezinen gastuak.
- Atzerriko prestakuntza ekintza, mintegi edo biltzarretara joatea.
- Kontsumoetatik eratorritako gastuak. Esate baterako: elektrizitatea, ura, gasa, mezularitza, posta, garbiketara, telefonoa, zaintza, bulego materiala eta antzekoak.
- Nazioarteko patenteen erregistroa.
- Enpresen erosketak.
- Sustapen materialaren inprimatze gastuak.
- Balio erantsiaren gaineko zerga (BEZ) eta gainerako zeharkako zergak.
- Oro har, ez da onartuko 100,00 eurotik (BEZik gabe) beherako gastuen egiaztagiririk, salbu eta, ekintza edo gastu mota oso espezifikoa delako, zenbatekoa eta kontzeptua behar bezala justifikatuta daudela jotzen bada, Ekonomia Garapenaren eta Berrikuntzaren Zerbitzuaren iritziz.
- Dirulaguntzaren xede den proiektuarekin zalantzarik gabe lotu ezin diren gastu guztiak.

5.10. Beste herrialde batzuetako fakturekin batera itzulpena aurkeztu beharko da, Zerbitzuak hala irizten badio, ingelesez emandakoak izan ezik.

5.11. Ekonomia Garapenaren eta Berrikuntzaren Zerbitzuaren ustez, proiektu jakin batean jardunen bat badago nazioartekotze proiektutik eratorritako lehiakortasunaren hobekuntzari behar besteko ekarpenik egiten ez diona, hura bazter utz daiteke esleitu beharreko dirulaguntza kalkulatzeko.

5.12. Baimenduta dago dirulaguntza jaso dezaketen kanpoko gastuen ehuneko ehuneraino azpikontratatzea, Arabako Lurralde Historikoaren Dirulaguntzen urriaren 19ko 11/2016 Foru Arauaren 27. artikuluan xedatutako baldintzak betez.

6. artikulua. Aplikazio eremua eta proiektuak gauzatzeko epea

6.1. Erakunde onuradunek Arabako Lurralde Historikoaren onurarako aplikatu beharko dituzte dirulaguntzarekin egindako azterlan edo proiektuen ondorioak.

6.2. Diruz lagundu ahal izango dira 2026ko urtarrilaren 1etik 2027ko uztailaren 31ra bitartean (egun hori barne) gauzatzen diren proiektuak eta/edo gastuak.

6.3. Deskargu ekonomikoan egozten diren fakturen data, edo, hala badagokio, egindako ordainketaren data, jardunak egiteko epearen barruan egon behar da.

7. artikulua. Dirulaguntzen zenbatekoak eta mugak

7.1 Hona erabaki honetan aurreikusten diren dirulaguntzen banaketa eta ehunekoak:

a) Arabako bi enpresa edo gehiagoren parte hartzea duen nazioarteko lankidetzara proiektu batean dauden ETEak, edo trakzio erakunde batek zuzendutako proiektu batean daudenak: dirulaguntza jaso dezakeen gastuaren ehuneko 60.

b) Nazioarteko lankidetzara proiektu bat zuzentzen duten trakzio erakundeak: dirulaguntza jaso dezakeen gastuaren ehuneko 80. Trakzio erakundearen gastu diruz lagungarria — irabazteko xederik gabeko erakundeak salbu — ezingo da izan diruz lagun daitekeen aurrekontu osoaren ehuneko 50 baino gehiago.

c) Enpresen nazioarteko sustapenean egiaztatzeko moduko esperientzia duten irabazteko xederik gabeko erakundeak: dirulaguntza jaso dezakeen gastuaren ehuneko 60.

d) Nazioarteko lehiaketa edo lizitazio prozesuetara sartzeko proiektuak: dirulaguntza jaso dezakeen gastuaren ehuneko 60.

e) Nazioartekotzeko bakarkako proiekturen bat duten ETEak: dirulaguntza jaso dezakeen gastuaren ehuneko 40.

7.2. Dirulaguntza hauek emango dira, gehienez ere:

a) Arabako ETE-en lankidetzat proiektuetarako edo enpresen nazioarteko sustapenean egiaztatzeko moduko esperientzia duten irabazteko xederik gabeko erakundeen proiektuetarako: 60.000,00 euro proiektu eta deialdiko.

b) Trakzio erakundea buru duten lankidetzat proiektuetarako: 120.000,00 euro proiektu eta deialdiko.

c) Nazioarteko lehiaketa edo lizitazio proiektuetarako: 10.000,00 euro proiektu eta deialdiko.

d) ETE-en bakarkako proiektuetarako: 40.000,00 euro proiektu eta deialdiko.

7.3. Deialdi honetako 13.4.d) artikuluan aurreikusitako auditatutako konturako auditoria-gastuek ehuneko 100eko dirulaguntza jasoko dute, 1.000,00 euroko mugarekin, 7.2 artikuluan ezarritako muga barruan.

7.4. Dirulaguntzen muga osagarri hauek ezartzen dira:

a) 10. artikuluan ezarritako gutxieneko puntuazioa gainditzen duten eta 55 puntu baino gutxiago lortzen dituzten proiektuek 10.000,00 euroko gehieneko dirulaguntza izango dute.

b) Lanaldi osoko 2 enplegu baliokide baino gutxiagoko plantilla duten eta Arabari atxikita dauden erakundeen eskaerek, laguntza eskaera aurkeztu aurreko hamabi hilabetei dagozkienek, 15.000,00 euroko gehieneko dirulaguntza jasoko dute, salbu eta, proiektuaren izaeragatik eta eragin potentzialagatik, komenigarritzat jotzen badu instrukzio organoak muga hori ez aplikatzea.

7.5. Foru Gobernu Kontseiluaren abenduaren 10eko 54/2019 Foru Dekretuaren 7.4 artikulua aplikatuz, zeinak norgehiagoka bidez dirulaguntzak emateko oinarri arautzaileak onesten baititu, balorazio batzordeak muga gehigarriak ezarri ahal izango ditu diruz lagun daitekeen aurrekontuaren eta diru laguntzaren banakako zenbatekoa zehazteko.

7.6. Proiektuak dirulaguntza jaso ahal izateko, dirulaguntzan onetsi behar den zenbatekoak gutxienez 1.500,00 eurokoa izan beharko du.

7.7. Trakzio enpresek zuzendutako proiektuetan, parte hartzen duten erakundeek egindako akordio bat aurkeztu beharko da, eta han egon beharko dira zehaztuta enpresetako bakoitzaren ekarpenak eta parte hartzeko baldintzak.

8. artikulua. Prozedura bideratzeko eskumena duten organoak

8.1. Prozedura Ekonomia Garapenaren eta Berrikuntzaren Zerbitzuak bideratuko du.

8.2. Balorazio batzordea honela eratuta egongo da:

Batzordeburua: Ekonomia Garapenaren eta Berrikuntzaren zuzendaria edo hark eskuordetzen duen pertsona.

Kideak: Ekonomia Garapenaren eta Berrikuntzaren Zerbitzuaren burua edo hark eskuordetzen duen pertsona.

Idazkaria: Ekonomia Garapenaren eta Berrikuntzaren Zerbitzuko teknikari bat.

9. artikulua. Eskaerak aurkezteko epea eta modua

9.1. Eskabideak aurkezteko epea deialdia onartu eta hurrengo egunean hasiko da, eta 2026ko ekainaren 26an bukatuko da.

9.2. Eskaerak bakar-bakarrik bitarteko elektronikoen bidez aurkeztuko dira, Arabako Foru Aldundiaren egoitza elektronikoa <https://egoitza.araba.eus/eu/hasiera> horretarako, eskatzaileek sartzeko ziurtagiri elektronikoa izan beharko dute aldez aurretik. Egoitza elektronikora sartzeko bideak zeintzuk diren eta entitate ziurtatzaile batek jaulkitako ziurtagiri elektronikoa non eskatu behar den jakiteko, jo "Ezagutu egoitza – Nola sartu" izeneko atalera.

Arabako Foru Aldundiaren webgune instituzionalean <https://web.araba.eus/eu/ekonomia-ren-garapena/laguntzak> eskuragarri dagoen informazioan, eskaera ongi aurkezteko jarraitu beharreko argibideak zehazten dira.

Eskaera egiten duen enpresa edo erakundeak AFaren egoitza elektronikoa dagoen formularioan bete beharko du eskatutako informazioa, eta hiru formulario ezberdinen artean aukeratu ahal izango du: lankidetzan ari diren enpresentzako eredua, ETEen banakako proiektuetarako eredua eta irabazteko xederik gabeko erakundeentzako eredua.

Formulario horrek proiektuari buruzko informazio hau jasotzen du:

- Proiektuaren izena.
- Proiektuaren laburpena.
- Elkarlanean parte hartzen duten enpresak zeintzuk diren.
- Nazioartekotzeko estrategia eta xede merkatua.
- Proiektuaren kalitatea eta iraunkortasuna.
- Ingurunean duen eragina.
- Informazio ekonomikoa.
- Proiekturako beste laguntza batzuk.

Horrez gain, Arabako Foru Aldundiaren web-orri instituzionalean eskuragarri jarriko den PDF inprimakia erantsi beharko du, honako hauek biltzen dituena:

- Parte hartzen duen enpresaren datuak.
- ETE-en karakterizazioa.
- Enpresaren deskribapena.
- Minimis laguntzak.
- Ingurumena, berdintasuna eta kontziliazioa, euskara, gizarte erantzukizun korporatiboa eta kudeaketa aurreratua.
- Enpresan duen eragina.
- Barneko eta kanpoko gastuen taulak.
- Erantzukizunpeko aitortpena.

Eta informazio ekonomikoarekin loturiko agiri hauek ere erantsi beharko ditu:

- 10.000,00 eurotik gorako lana egingo duen kanpoko profesionalaren eskaintzaren fotokopia (proforma faktura edo kanpoko aurrekontua).

Enpresa arteko lankidetzak proiektuak baldin badira, erakunde eskatzaileak edo enpresa liderrak, hala badagokio, enpresa partehartzaile bakoitzari dagokion informazioa bildu beharko du PDF inprimaki beraren bidez. Proiektuan parte hartzen duen enpresa bakoitzak dokumentu hau elektronikoki sinatu beharko du eta eskabidearekin batera aurkeztu beharreko dokumentazio gisa erantsiko da.

9.3. Erakunde eskatzaileak baliozkotasuna emango die Ekonomia Garapenaren eta Berrikuntza-ren Zuzendaritzak edo eta Zerbitzuak laguntzaren eskaera orrian identifikatutako harremanetarako pertsonaren helbide elektronikora bidalitako komunikazio guztiei.

9.4. Dirulaguntza eskaera aurkezteak berekin ekarriko du eskatzaileak eta parte hartzen duen enpresa bakoitzak baimena ematea izapideak egiten dituen organoak zuzenean eskuratu ahal izateko 3. artikuluan adierazten diren inguruabarren egiaztatzeak, eta bereziki Ogasunarekiko eta Gizarte Segurantzarekiko egoerari buruzkoak. Nolanahi ere, egoitza Arabako Lurralde Historikoan ez daukaten erakundeek beraiek aurkeztu beharko dute Ogasunarekiko egoerari buruzko ziurtagiria.

10. artikulua. Balorazio-irizpideak

Aurkeztutako eskabideak ondoren aipatzen diren irizpide eta puntuazioaren arabera balioetsiko dira, eta gutxienez 50 puntu beharko dira, diruz lagunduko badira.

a) Proiektuak nazioartekotzeko duen ahalmena (0-35 puntu).

– Enpresen arteko lankidetzaren egituraren diseinuaren kalitatea, eta egitura horretan parte hartuko duten eragileen kopurua eta tipologia (ez zaie aplikatuko 4.3. artikuluan adierazitako proiektuei).

– Merkatuen dibertsifikazioan eta jardueran izango duen eragina: herrialdeen zailtasunak, negozio aukerak merkatu-sektoreetan, espezializazioa.

– Nola laguntzen dien negozio estrategiei eta haiek bezero, merkatu, lehiatzaile, produktu eta abarrekiko behar duten birkokatze estrategikoari.

b) Jarduerak enpresan eta ingurunean duten eragina (0-30 puntu).

– Lehiakortasuna areagotzeko egindako ekarpena.

– Gaitasun traktorea eta hazteko eta finkatzeko ahalmena.

– Parte hartzen duten erakundeetara ekarriko duen negozio eta enplegu bolumenaren gehitzea.

– Euskadiko espezializazio adimenduen estrategiarekiko inplikazioa: Industria 4.0, Energia, Bio-osasuna.

– Ekarpina lurralde orekari.

c) Proiektuaren kalitatea eta iraunkortasuna: nazioartekotze-proiektuaren sendotasuna, etorkizunera begira jarraitzeko potentziala eta enpresen konpromisoa (0-15 puntu).

d) Balioesten diren beste alderdi batzuk (0-20 puntu).

– Eskabidearen definizio maila, edukia eta kalitatea (10 puntu).

– Erakunde eskatzaileak ingurumenarekiko, genero berdintasunarekiko, lan kontziliazioarekiko, euskararen erabilerarekiko eta gizarte erantzukizun korporatiboarekiko duen inplikazioa. (5 puntu).

– Kudeaketa aurreratuko jardunbideak. (5puntu).

11. artikulua. Ebazpena eta jakinarazpena

11.1. Organo eskudunak, balorazio batzordeak proposatuta, behar diren ebazpenak emango ditu; ebazpen horiek, ahal dela, baliabide elektronikoen bitartez jakinaraziko dira, eta ezinezkoa bada, gutun ziurtatuaren bidez, Administrazio Publikoen Prozedura Erkidearen urriaren 1eko 39/2015 Legeak 41. eta 42. artikuluetan xedatutakoa aintzat hartuz.

11.2. Jakinarazitako ebazpen horrek administrazio bidea agortzen du, baina aukerako berraztertze errekurtsoa jar dakiok Foru Gobernu Kontseiluari, egintza hau jakinarazi ondorengo egunean hasi eta hilabete igaro baino lehen, Administrazio Publikoen Administrazio Prozedura Erkidearen urriaren 1eko 39/2015 Legearen 123. artikulua xedatzen duenaren arabera. Bestela, zuzenean aurkaratu daiteke administrazioarekiko auzietarako dagokion jurisdikzioan, egintza hau jakinarazi ondorengo egunean hasi eta bi hilabete igaro baino lehen.

12. artikulua. Emandako laguntza onartzea

12.1. Erakunde onuradunak onarpena aurkeztu behar du edo, hala behar denean, uko egitea egoitza elektronikoan, dirulaguntza ematearen jakinarazpena jaso ondorengo hamar egun baldioduneko epean.

12.2. Baldin prozeduran zehar onuradunen batek dirulaguntzari uko egiten badio, puntuazio hurrenkerako hurrengo proiektu edo jardunei dirulaguntza adjudikatzea erabaki ahalko du dirulaguntza ematen duen organoak, beste deialdi baten premiarik gabe, baldin eta hala egin badaiteke eta onuradunak uko egiteagatik nahikoa kreditu eragin bada, ezetsitako eskaeraren bati, behintzat, aurre egiteko.

13. artikulua. Dirulaguntza justifikatzea eta ordaintzea

13.1. Onetsitako dirulaguntzak ebazpenean nahiz ondorengo puntuetan xedatutako betekizun eta baldintza guztiak bete ondoren likidatuko dira.

13.2. Dirulaguntzaren lehenengo zatia, hau da, onartutako dirulaguntzaren ehuneko 50, emakidaren ebazpena onetsitakoan ordainduko da, justifikatu beharreko aurrerakin gisa. Idazki bat aurkeztu beharko da, erakundeak eman zaion dirulaguntza onartzen duela adierazten duena, 12. artikuluan ezarritakoaren arabera.

13.3. Justifikatu beharreko aurrerakin moduan egingo da dirulaguntzaren ordainketa, eta ez da ezarriko emandako funtsen berme araubiderik.

13.4. Arabako Foru Aldundiak dirulaguntzaren gainerako ehuneko 50a ordain dezan eta lehenengo ordainketa justifikatuz eman dezan, onuradunak agiri hauek aurkeztu beharko ditu 2027ko urriaren 29ra arteko epean (egun hori barne), egoitza elektronikoaren bidez:

a) Justifikazio-memoria, AFAREN web-orri instituzionalean dagoen ereduaren arabera, honako hauek jasotzen dituen:

– Proiektuaren amaierako memoria: egindako jarduerak eta lortutako helburuak, proiektua gauzatzeari izandako desbideratzeen deskribapena eta desbideratze ekonomikoak. Honez gain, erakunde onuradunak hala uste badu, memoria osatuagoa aurkeztu ahal izango du.

– Gastuen laburpen-taula.

– Egindako bidaien zerrenda (hegazkineratzeko txartelak eta/edo garraio publikoko txartelak aurkeztu behar dira).

– Finantzaketa-taula.

– Kopia jatorrizkoekin bat datozena adierazten duen erantzukizunpeko adierazpena. Adierazi beharko da erantsitako fitxategiak jatorrizkoen benetako irudiak direla, jatorrizko dokumentuak eskaera egin duen erakundearen esku daudela eta Arabako Foru Aldundiaren esku jarriko direla, hark hala eskatuz gero.

b) Diruz lagundutako proiektuaren kanpo-gastuen taula Excel formatuan.

c) Barne-gastuen taula, Excel formatuan, non agertuko baitira proiektuari atxikitako langileen izenak, NANak, kostuak eta PFEZaren kontura egindako atxikipenak (bidaiako egunekoak), eta hitzarmenaren arabera lan egindako urteko guztizko ordu kopurua.

d) Kontu-auditore batek emandako txostena, Kontu Auditoreen Erregistro Ofizialean jarduneko gisa agertzen dena, Ekonomia Garapenaren eta Berrikuntzaren Zuzendaritzaren eskumenen esparruan lehia-araubideko dirulaguntzak emateko oinarri arautzaileak onartzen dituen abenduaren 10eko 54/2019 Foru Dekretuaren 11.3 artikuluan aurreikusitakoaren arabera. Txosten horrek irismen hau izan beharko du:

Proiektuari egotzitako kostuak jasotzen dituen memoria ekonomikoa, gastuen eta egindako lanaren deskribapenaren arteko erlazioa zehazten duena.

Kanpoko gastuak egiaztatzea:

1. Fakturak eta merkataritzako trafiko juridikoan froga-balio baliokidea duten edo administrazio-eraginkortasuna duten gainerako dokumentuak egiaztatzea.

2. Fakturak ordaindu izanaren egiaztariak egiaztatzea, banku-transferentzia bidez edo merkataritzako trafiko juridikoan baliokidea den froga-balioa duen beste dokumentu baten bidez, betiere ordaintzailea, onuraduna, zenbatekoa, ordainketa-data eta kontzeptua zehazten badira.

Barne-gastuak egiaztatzea: Proiektuari zuzenean lotutako gastuak, langileak bidaian dauden egunei dagozkienak:

1. Bidaiak egin dituzten langileen nominak egiaztatzea.

2. Langileen ordu-kostua, nominen ordainketa eta Gizarte Segurantzako kotizazioak egiaztatzea, honako hauen bidez:

– Urteko lanaldia, aplikatuko den lan hitzarmen kolektiboarekin bat etorriz.

– Nominen buruzko banku-laburpenak edo transferentzia telematikoen aginduak. Nominak bidalketa bidez ordaintzen badira eta bankuko laburpenean ez bada zehazten langilearen izena, erakundeko gerentziaren idazki bat erantsi beharko da, langile horren nominaren ordainketa dagokion sortaren barruan egin dela adierazteko.

– Gizarte Segurantzaren aplikazioaren bidez sortutako kotizazioen likidazioen zerrenda (RLC) (lehen TC1), eta ordainketaren banku-laburpena.

– Gizarte Segurantzaren aplikazioaren bidez sortutako RNT (lehen TC2) langileen izenen zerrenda.

Eskaintza hirukoitza eta arrazoitzeko txostena hautatutako eskaintza ekonomikoki onena ez bada (izandako benetako kanpoko gastua 15.000,00 euroko mugaraino iritsi edo hura gainditzen badu eta eskabidean aurkeztu ez bada).

13.5. Ordainketak arintzeko, unean unerako jarritako epe mugak baino lehenago aurkeztu ahal izango dira eskatutako agiriak.

13.6. Epe horiek igaro eta dirulaguntza ordaintzeko betebeharra onartzeko zein dirulaguntza ordaintzeko aurkeztu beharreko agiriak aurkeztu ez badira, edo agiriren bat falta bada, dirulaguntza zio horregatik murriztu edo baliogabe utziko da, dagokionaren arabera. Salbuespenez, ordaintzeko betebeharra onartzeko agiriak epez kanpo onartu ahal izango dira baldin mugaegunetik aurrera hamar egun naturaleko epean aurkezten badira, eta azkenean justifikatutako zenbatekoaren ehuneko 20ko murrizketa ezarriko da dirulaguntzan.

13.7. Ordainagiriak onetsitako gastu osoaren zenbatekora iristen ez badira, dirulaguntzaren zenbatekoa proportzioan berregokituko da, eta dagokion kopurua baliogabe utziko da.

13.8. Ordaindu behar den dirulaguntzaren gutxieneko zenbatekoa, hura onestean bezala, 1.500,00 eurokoa da.

13.9. Dirulaguntza jaso duten jardueri eragiten dien gorabehera edo aldaketa oro jakinaraziko zaio Ekonomia Garapenaren eta Berrikuntzaren Zerbitzuari, eta behar diren erabakiak hartu eta erakunde onuradunari jakinaraziko dizkio berak. Hortaz, onetsitako guztirako gastua muga delarik, aldaketak onartu ahal izango dira hasiera batean diruz lagundutako ekintzetan eta horiei dagozkien diru zenbatekoetan, haietakoren bat gauzatu ez izana gorabehera.

Aldaketa horiek Ekonomia Garapenaren eta Berrikuntzaren Zerbitzuaren oniritzia beharko dute.

Aldaketak funtsezkoak badira, Ekonomia Garapenaren eta Berrikuntzaren Zuzendaritzak onetsi beharko ditu.

13.10. Erakunde onuradunek gastuen agiriak aurkeztu ondoren, Ekonomia Garapenaren eta Berrikuntzaren Zerbitzuak in situ egin ahalko ditu bisitak diruz lagundutako jarduerak egiaztatzeko.

14. artikulua. Proiektuen jarraipen teknikoa

14.1. Dirulaguntza onartzeko idazkian adierazitako proiektuaren jarraipena egiteko helburuarekin, erakunde onuraduna Ekonomia Garapenaren eta Berrikuntzaren Zerbitzuarekin bilduko da proiektuari ekin eta hiru hilabetera, baldin zerbitzu horrek eskatzen badu.

14.2. Orobat, onetsitako proiektuen jarraipena egingo dute Ekonomia Garapenaren eta Berrikuntzaren Zerbitzuko teknikariek, eta horretarako, behar izanez gero, onetsitako proiektuari loturik kanpoan egingo diren misio komertzialetara edo bestelako jardueretara joango dira.

15. artikulua. Dirulaguntzen bateragarritasuna

Oinarri arautzaileak onesten dituen Foru Gobernu Kontseiluaren abenduaren 10eko 54/2019 Foru Dekretuak hamalagarren oinarrian ezarritakoa aplikatzekoa izateaz gain, diruz lagundutako jarduerak jaso ditzaketan gainerako laguntzak, edozein dela ere haien izaera eta ematen dituen organoa edo administrazioa, deialdi honetatik datozenekin bateragarriak izango dira diruz lagundutako gastuaren ehuneko 80raino iritsi arte, Arabako Foru Aldundiak emandakoak izan ezik.

16. artikulua. Garapen

Ekonomia Garapenaren eta Jasangarriritasunaren Saileko foru diputatuari eskumena ematen zaio deialdi hau garatzeko, aplikatzeko eta interpretatzeko beharrezko den xedapen oro emateko. Era berean, ahalmena ematen zaio deialdian ezarritako baldintzak ez betetzeagatik beharrezkoak diren itzulketak agintzeko.

17. artikulua. Publizitatea eta komunikazioa

Erakunde onuradunak diruz lagundutako jardunak zabaltzeko ekintzarik eginez gero, horretarako sortzen diren material eta euskarrietan Arabako Foru Aldundiak emandako finantzaketa aipatu beharko da, erakunde horrek bere irudi korporatiboa dela-eta ezarritako oharretara egokituta.

18. artikulua. Eskaerak egokitzea

Deialdi honetan araututako dirulaguntzei heltzerik ez duten aurkeztutako eskabideak, kasuan kasu, Ekonomia Garapenaren eta Berrikuntzaren Zuzendaritzak kudeatutako beste laguntza lerro batzuetara eraman ahalko dira ofizioz.

19. artikulua. Araubide juridikoa

Deialdi honetan ezarritako prozedura Foru Gobernu Kontseiluaren abenduaren 10eko 54/2019 Foru Dekretuaren bidez onetsitako oinarri arautzaileetan ezarritakoaren mendean dago, hauetan xedatutakoaren aurka ez badago: Arabako Lurralde Historikoaren Dirulaguntzen urriaren 19ko 11/2016 Foru Araua, Dirulaguntzei buruzko azaroaren 17ko 38/2003 Lege Orokorra eta Dirulaguntzei buruzko azaroaren 17ko 38/2003 Lege Orokorraren erregelamendua onesten duen uztailaren 21eko 887/2006 Errege Dekretua, nahiz dirulaguntzei buruzko ondorengo gainerako xedapenak.